

Na osnovu člana 7. Statuta TZ grada Tuzle ("Službeni glasnik Grada Tuzla" broj: 12/17, 04/22 i 08/23), odredbi Pravilnika o kriterijima i postupku raspodjele sredstava za finansiranje/sufinansiranje projekata, programa i manifestacija koje doprinose obogaćivanju turističke ponude, broj: 02-254/19 i 02-135-1/22, Odluke o utvrđivanju prioritetnih područja za dodjelu sredstava TZ grada Tuzle putem Javnog poziva za projekte i manifestacije koje doprinose obogaćivanju turističke ponude u gradu Tuzli, broj: 02-558/25 od 29.07.2025. godine i Odluke o raspisivanju Javnog poziva, broj: 04-571/25 od 04.08.2025. godine, Turistički ured TZ grada Tuzle, dana 05.08.2025. godine, objavljuje:

JAVNI POZIV **za finansiranje/sufinansiranje projekata i manifestacija** **koje doprinose obogaćivanju turističke ponude u gradu Tuzli**

I. Predmet Javnog poziva

Predmet Javnog poziva je dodjela sredstava Turističke zajednice grada Tuzle (u daljem tekstu: TZ grada Tuzle) sa pozicije utvrđene Godišnjim programom rada i finansijskim planom TZ grada Tuzle za 2025. godinu, pod nazivom: „*Podrška projektima koji imaju za cilj podizanje kvalitete turističke ponude i promocije turističkih kapaciteta na području grada Tuzle*“, **u ukupnom iznosu od 50.000,00 KM.**

Pravo na dodjelu sredstava imaju:

- a) neprofitne organizacije koje prema rješenju o upisu u registar obavljaju djelatnost koja je u skladu sa prioritetnim područjima ovog Javnog poziva, a u okviru kojih će realizovati svoje aktivnosti i
- b) privredna društva (d.o.o.) koja su registrovana za obavljanje turističko-ugostiteljske i/ili djelatnosti organizacije manifestacija i događaja kulturno-zabavnog karaktera.

II. Prihvatljivi i neprihvatljivi troškovi

Odobrena finansijska sredstva korisnik je dužan utrošiti isključivo za realizaciju prijavljenog projekta ili manifestacije. Sredstva se smatraju namjenski utrošenim ako su korištena isključivo za finansiranje prihvatljivih i opravdanih troškova utvrđenih finansijskim planom i budžetom projekta ili manifestacije. Svako odstupanje od finansijskog plana, odnosno budžeta projekta ili manifestacije, smatrat će se nenamjenskim trošenjem sredstava.

Neprihvatljivim troškovima smatraju se: troškovi redovnog poslovanja prijavitelja (plate i ostala primanja zaposlenih), tekući uredski troškovi, dugovi i stavke za pokrivanje gubitaka ili dugova, dospjele kamate na kredite, carinske i uvozne takse, troškovi najma i kupovine vozila, zajmovi trećim stranama, kupovina zemljišta ili građevina, troškovi reprezentacije, hrane i alkoholnih pića.

III. Prioritetna područja finansiranja/sufinansiranja

Prioriteti finansiranja/sufinansiranja moraju biti usmjereni ka postizanju ciljeva definiranim strateškim i razvojnim dokumentima Grada Tuzla te drugim strateškim dokumentima iz oblasti turizma, a prijavitelji na ovaj Javni poziv dostavljaju prijave iz sljedećih prioritetnih područja:

1. Podsticanje razvoja turističke infrastrukture

- 1.1. Očuvanje i stvaranje prepoznatljivog i privlačnog turističkog ambijenta;
- 1.2. Obnova, uređenje i aktiviranje područja grada Tuzle koja su nedovoljno uključena u turistički promet.

2. Kultura i kulturno historijsko i prirodno naslijeđe

- 2.1. Promocija kulturno-historijskog i prirodnog naslijeđa;
- 2.2. Manifestacije od kulturnog, sportskog, privrednog i umjetničkog značaja koje doprinose obogaćivanju turističke ponude i privlačenju turista.

3. Unapređenje cjelovite turističke ponude

- 3.1. Podizanje kvaliteta turističkih usluga;
- 3.2. Razvoj i unapređenje posebnih oblika turizma;
- 3.3. Stvaranje novih inovativnih turističkih proizvoda.

Prijavitelji na ovaj Javni poziv mogu podnijeti samo jednu prijavu u skladu sa naprijed navedenim prioritetnim područjima finansiranja/sufinansiranja, odnosno sredstva TZ grada Tuzle moгу biti odobrena samo za jedan projekat ili manifestaciju istog prijavitelja, a ukoliko je prijavitelj već ostvario finansijska sredstva od strane TZ grada Tuzle u 2025. godini po bilo kojem osnovu, takva prijava neće se uzeti u razmatranje.

Također, prijavitelji koji ostvare sredstva po ovom Javnom pozivu, u toku 2025. godine više neće imati pravo korištenja finansijskih sredstava TZ grada Tuzle.

IV. Minimalan i maksimalan iznos sredstava koja se mogu dodijeliti

Minimalan iznos sredstava koja se mogu dodijeliti po jednoj prijavi u okviru prioritetnih područja iz člana III. ovog Javnog poziva je **1.000,00 KM** (slovima: jednahiljada KM), a maksimalan **5.000,00 KM** (slovima: pethiljada KM).¹

TZ grada Tuzle zadržava pravo da ne dodijeli sva dostupna finansijska sredstva u okviru pozicije iz člana I. Javnog poziva ukoliko po Javnom pozivu ne bude zaprimljen dovoljan broj kvalitetnih prijava, odnosno, prijava koje zadovoljavaju kriterije ovog Javnog poziva.

V. Pravo učešća

Pravo na dodjelu sredstava putem Javnog poziva mogu ostvariti prijavitelji koji ispunjavaju sljedeće opće uslove:

- da su osnovani i registrovani u Bosni i Hercegovini i da na području grada Tuzle imaju sjedište ili drugi organizacioni oblik,
- da je odgovorno lice prijavitelja državljanin Bosne i Hercegovine,
- da ne obavljaju aktivnosti u ime političkih partija,
- da se njihove prijave na ovaj Javni poziv odnose na prioritetna područja iz ovog Javnog poziva;
- da im je registrovana djelatnost u skladu sa prioritetnim područjima finansiranja/sufinansiranja u okviru koje će realizovati svoje aktivnosti i
- da svoje aktivnosti realizuju na području grada Tuzle.

Izuzetno, sredstva se mogu dodijeliti i za aktivnosti koje se realizuju izvan područja grada Tuzle, ukoliko značajno doprinose turističkoj promociji grada, a što je prijavitelj na Javni poziv obavezan opisati u Prijavnom obrascu iz tačke VII. Javnog poziva, i u slučaju odobrenih sredstava dokazati u Finansijskom i narativnom izvještaju – *Obrazac 6*, koji se može preuzeti na zvaničnoj internet stranici TZ grada Tuzle (<https://tztz.ba/ba/javni-pozivi/>).

Sredstva se mogu dodijeliti i prijaviteljima sa sjedištem izvan grada Tuzle, a koji su registrovani na području Bosne i Hercegovine, samo u slučaju ako je realizacija projekta ili manifestacije od interesa za grad Tuzlu i ima izuzetan turistički značaj za grad, pod istim uslovima koji su navedeni u prethodnom stavu ovog člana Javnog poziva.

VI. Ko ne može učestvovati u ovom Javnom pozivu

Na ovaj Javni poziv **ne mogu** se prijaviti fizička lica, kao ni subjekti koji imaju status javne ustanove i javnog preduzeća.

¹ Prijavitelji na ovaj Javni poziv mogu od TZ grada Tuzle tražiti finansijska sredstva za organizaciju i realizaciju svojih aktivnosti **isključivo u utvrđenom rasponu od 1.000,00 KM do 5.000,00 KM.**

VII. Prijavna dokumentacija

Prijava na Javni poziv podnosi se na propisanom Prijavnom obrascu koji je objavljen na zvaničnoj internet stranici TZ grada Tuzle (<https://tztz.ba/ba/javni-pozivi/>).

Prilikom prijave na Javni poziv, prijavitelji su obavezni dostaviti sljedeće:

1. Elektronski popunjen Prijavni obrazac (*Obrazac 1*)²;
2. Rješenje o registraciji kod nadležnog organa;
3. Rješenje o posljednjem upisu promjena podataka, izmjena ili dopuna prvobitnog Rješenja o registraciji kod nadležnog organa, ukoliko su vršene izmjene i/ili dopune (za neprofitne organizacije koje se prijavljuju);
4. Aktuelni Izvod iz sudskog registra (za d.o.o. koja se prijavljuju), ne stariji od 30 dana od dana objave Javnog poziva - **original ili ovjerena fotokopija**;
5. Uvjerenje o registraciji poreznog obveznika (Identifikacioni broj);
6. Uvjerenje o registraciji/upisu u Jedinostveni registar obveznika indirektnih poreza (dostavljaju obveznici uplate PDV-a);
7. Detaljno razrađen Finansijski plan za realizaciju projekta ili manifestacije, potpisan i pečatiran od strane odgovornog lica (pregled budžeta i plan potrošnje sa specifikacijom troškova potrebnih sredstava) – (*Obrazac 2*);
8. Kopija lične karte ili Uvjerenja o državljanstvu odgovornog lica;
9. Uvjerenje o izmirenim obavezama prema javnim prihodima, ne starije od 30 dana od dana objave Javnog poziva - **original ili ovjerena fotokopija**;
10. Potvrda o izmirenim obavezama po osnovu indirektnih poreza, ne starija od 30 dana od dana objave Javnog poziva - **original ili ovjerena fotokopija** (dostavljaju obveznici uplate PDV-a);
11. Završni godišnji finansijski izvještaj za prethodnu godinu sa pečatom AFIP-a (bilans stanja i bilans uspjeha) - **original ili ovjerena fotokopija**;
12. Podatke o stručnosti lica angažovanih za potrebe provedbe projekta ili manifestacije (kraći CV);
13. Zvaničan dokument banke o otvaranju transakcijskog računa;
14. Izjava odgovornog lica o izmirenim obavezama na ime članskog doprinosa i/ili boravišne takse prema TZ grada Tuzle za obavezne članove TZ grada Tuzle **zaključno sa 31.07.2025. godine (ovjerena kod notara ili drugog nadležnog organa)**³;
15. Dokaz o pribavljenim saglasnostima ili dozvolama neophodnim za izvođenje projektnih aktivnosti koje se odnose na turističku infrastrukturu⁴ i
16. Lista za provjeru (*Obrazac 3*).

Prijavitelj uz prijavu dostavlja fotokopije tražene dokumentacije (osim dokumentacije iz tačke 4., 9. 10. 11. i 14. prethodnog stava **koja mora biti u originalu ili ovjerenoj fotokopiji**, u skladu sa uslovima Javnog poziva. Ukoliko prijavitelj dostavlja ovu dokumentaciju u formi ovjerene fotokopije, **ovjerena fotokopija ne smije biti starija od 30 dana od dana objave Javnog poziva**, a originalni dokumenti po potrebi će biti zatraženi na uvid ukoliko sredstva budu odobrena.

Nepotpuna dokumentacija i dokumentacija dostavljena izvan predviđenog roka, neće se uzeti u razmatranje.

Prijave prijavitelja na Javni poziv koji se nalaze u bilo kojoj od niže navedenih kategorija neće se uzeti u razmatranje:

- a) koji su u 2025. godini već bili korisnici sredstava TZ grada Tuzle;

² Prijavni obrazac se popunjava isključivo elektronski/na računaru, prijave ispunjene na drugi način neće biti uzete u razmatranje.

³ Ukoliko prijavitelj nije obveznik plaćanja članskog doprinosa i/ili boravišne takse turističkoj zajednici, ne dostavlja se ovaj dokaz.

⁴ Za sve aktivnosti prijavitelja koje se odnose na razvoj i unapređenje turističke infrastrukture potrebno je dostaviti prethodne saglasnosti ili dozvole za izvođenje projektnih aktivnosti iz Prijavnog obrasca - ukoliko su neophodne, kao npr. urbanistička ili građevinska saglasnost ili dokaz o nepostojanju obaveze za pribavljanjem prethodnih saglasnosti i slično.

- b) koji nisu izvršili obaveze po ranije doznačenim (odobrenim) finansijskim sredstvima TZ grada Tuzle;
- c) čije su aktivnosti usmjerene na promociju političkih stranaka i političkih uvjerenja, rasizma, fašizma i kršenja zakonom zagarantovanih ljudskih prava i sloboda;
- d) koje su namijenjene za isključivu dobit pojedinca;
- e) koji ne izmiruju zakonske obaveze prema javnim prihodima i po osnovu indirektnih poreza (ukoliko je prijavitelj obveznik uplate indirektnih poreza);
- f) koji ne izmiruju zakonske obaveze prema TZ grada Tuzle;
- g) čije aktivnosti nisu u skladu sa prioritetnim područjima iz člana III. ovog Javnog poziva.

VIII. Osnovni kriteriji za ocjenu i odabir

Osnovni kriteriji za ocjenu i odabir prijava na Javni poziv utvrđeni su Pravilnikom o kriterijima i postupku raspodjele sredstava za finansiranje/sufinansiranje projekata, programa i manifestacija koje doprinose obogaćivanju turističke ponude, broj: 02-254/19 i 02-135-1/22.

IX. Provođenje Javnog poziva

Postupak po ovom Javnom pozivu provodi tročlana Komisija za ocjenu ispunjavanja kriterija za dodjelu sredstava i odabir, u skladu sa članom 12. Pravilnika iz člana VIII ovog Javnog poziva.

Samo prijave koje budu ocijenjene sa 20 i više bodova mogu biti finansirane/sufinansirane od strane TZ grada Tuzle, s obzirom da prijavitelji sa nižim brojem bodova ne zadovoljavaju postavljene standarde.

Komisija zadržava pravo da odabranom prijavitelju dodijeli sredstva u manjem iznosu od iznosa kojeg prijavitelj potražuje od TZ grada Tuzle, a u skladu sa kriterijima i mjerilima za ocjenjivanje i odabir utvrđenih Pravilnikom, cijeneći turistički značaj prijavljenog projekta ili manifestacije.

X. Period realizacije aktivnosti odabranih prijavitelja

Aktivnosti odabranih prijavitelja po ovom Javnom pozivu će se realizovati u periodu **od 01.09.2025. godine zaključno sa 31.12.2025. godine.**

XI. Mjesto i rok dostave prijava na Javni poziv

Prijave na ovaj Javni poziv sa pratećom dokumentacijom prijavitelji dostavljaju u zatvorenoj koverti preporučenom poštom ili se predaju lično u Turistički ured TZ grada Tuzle, na adresi:

**TURISTIČKA ZAJEDNICA GRADA TUZLE
TURISTIČKI URED
Ulica Soni trg broj 8
75 000 Tuzla**

**„Javni poziv za finansiranje/sufinansiranje projekata i manifestacija koje doprinose
obogaćivanju turističke ponude u gradu Tuzli“
NE OTVARATI**

Javni poziv je otvoren **10 dana** od dana objave Javnog poziva, a krajnji rok za predaju prijava je **15.08.2025. godine (petak) do 16.00 sati.**

Prijave koje budu pristigle poslije navedenog roka razmatraće se jedino u slučaju da poštanski žig ukazuje na datum slanja prije zvaničnog isteka roka.

Prijave poslane na bilo koji drugi način (npr. faksom i e-mailom) **neće biti uzete u razmatranje.**

Vanjska strana koverta mora sadržavati naziv Javnog poziva i naznaku **„NE OTVARATI“.**

XII. Način objavljivanja rezultata

Na osnovu ocjene prijava na Javni poziv i ostvarenom broju bodova iz pojedinačnih obrazaca za ocjenjivanje prijavitelja, Odluka o odabiru projekata, programa ili manifestacija sa planom raspodjele sredstava će se donijeti najkasnije u roku od **7 radnih dana** od dana zatvaranja ovog Javnog poziva.

Rezultati Javnog poziva, odnosno rang-lista projekata ili manifestacija kojima su odobrena finansijska sredstva, kao i iznosi odobrenih sredstava po korisniku, biće objavljeni na zvaničnoj internet stranici TZ grada Tuzle (<https://tztz.ba/ba/javni-pozivi/>) najkasnije u roku od **7 radnih dana** od dana donošenja Odluke iz prethodnog stava.

Turistički ured TZ grada Tuzle će sa odabranim korisnicima zaključiti ugovore kojim će se regulisati međusobna prava i obaveze u pogledu dodjele i načina korištenja sredstava na ime finansiranja/sufinansiranja odobrenih projekata ili manifestacija.

Sve dodatne informacije o načinu i postupku učešća u Javnom pozivu mogu se dobiti u Turističkom uredu TZ grada Tuzle, slanjem pitanja na e-mail adresu: info@tztz.ba